



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU POKRETA ZA PRIMJENU KONVENCIJE O PRAVIMA DJETETA I SVJETSKE DEKLARACIJE – POKRETA ZA DJEČIJA PRAVA

Sarajevo, 24. april 2008. godine

**SADRŽAJ:**

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KANCELARIJSKE REVIZIJE.....	5
Predmet kancelarijske revizije.....	5
Cilj kancelarijske revizije.....	5
Obim kancelarijske revizije.....	5
4. PRETHODNE REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja Pokreta za dječija prava za 2006. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljene kancelarijske revizije godišnjeg finansijskog izvještaja utvrđeno je da je politička stranka Pokret za dječija prava prekršila odredbe člana 8. stav 1. Zakona o finansiranju političkih stranaka.**

**Na osnovu našeg pregleda, odnosno kancelarijske revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Pokreta za dječija prava za 2006. godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Pokret za dječija prava je iskazao prihode u iznosu od 50,00 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u uk. prihodu %
1	Članarina	5000	10000%
2	Prilozi fizičkih lica	0	0%
3	Prilozi pravnih lica	0	0%
4	Prihodi od imovine	0	0%
5	Prihodi od pr.lica	0	0%
6	Prihodi od poklona	0	0%
7	Prihodi iz budžeta	0	0%
	<b>Ukupni prihodi:</b>	<b>5000</b>	<b>10000%</b>

U godišnjem finansijskom izvještaju Pokret za dječija prava je iskazao ukupne rashode u iznosu 2,00 KM.

## 2. PREDSTAVLJANJE POLITIČKE STRANKE

Naziv političke stranke: Pokret za primjenu konvencije o pravima djeteta i svjetske deklaracije- Pokret za dječija prava. Skraćeni naziv je Pokret za dječija prava.

Pokret za dječija prava je registrovan 23.09.2003. godine kod Kantonalnog suda u Tuzli pod brojem R- 1-1/03

Sjedište političke stranke je u Lukavcu, Trg Bremena 1.

Za zastupanje stranke ovlaštena je Jasmina Kuduzović, predsjednik.

Osoba ovlaštena za finansijske izvještaje za 2006. godinu je Jasmina Kuduzović.

U godišnjem finansijskom izvještaju za 2006. godinu je navedeno da Pokret za dječija prava nema organizacionih dijelova nižeg nivoa.

### **3. OPIS PREGLEDA I KANCELARIJSKE REVIZIJE**

**Predmet kancelarijske revizije je** godišnji finansijski izvještaj Pokreta za dječija prava za 2006. godinu.

**Cilj kancelarijske revizije** je da revizor na bazi finansijskog izvještaja pokuša da ustanovi da li je Pokret za dječija prava u izvještajnom periodu postupao u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim kancelarijske revizije** finansijskih izvještaja Pokreta za dječija prava obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### **4. PRETHODNE REVIZIJE**

Revizija se obavlja prvi put.

### **5. NALAZI KANCELARIJSKE REVIZIJE**

#### **5.1. NALAZI**

**Na osnovu obavljene kancelarijske revizije godišnjeg finansijskog izvještaja utvrđeno je da politička stranka Pokret za dječija prava prekršila odredbe člana 8. stav 1. Zakona o finansiranju političkih stranaka.<sup>1</sup>**

Na osnovu Ugovora o korištenju poslovnog prostora i opreme, utvrđeno je da stranka koristi bez naknade prostorije i opremu Udruženja roditelja djece sa posebnim potrebama - Lukavac, što nije u skladu sa članom 8. stav 1. Zakona o finansiranju političkih stranaka..

---

<sup>1</sup> U skladu sa članom 8. Zakona o finansiranju političkih stranaka svaki prilog koji politička stranka primi od strane državnih, entitetskih i kantonalnih organa, organa općinskih i mjesnih zajednica, javnih institucija, javnih preduzeća, humanitarnih organizacija, preduzeća koja su po svojoj samoj djelatnosti isključivo neprofitna, vjerskih zajednica, kao i privrednih udruženja u kojima su uloženi javni iznosi 25% se smatraju zabranjenim prilogom političkoj stranci, tj. Politička stranka ne smije u skladu sa navedenom odredbom Zakona primiti na poklon prostorije od općinskih organa vlasti.

## **5.2. PREPORUKE :**

*Preporučuje se Pokretu za dječija prava da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da postupa u skladu sa odredbama člana 8. stav 1. Zakona o finansiranju političkih stranaka.*

## **KOMENTAR:**

U ostavljenom roku, Pokret za dječija prava se nije očitovao na Preliminarni izvještaj o pregledu godišnjih finansijskih izvještaja za 2006. godinu.

Hasida Gušić, šef Službe za reviziju

Sanja Čabrilo, revizor

Željko Bakalar, pomoćnik revizora